



رئاسة الشؤون الدينية
بالمسجد الحرام والمسجد النبوي

Ислом – барча пайҒамбарларнинг дини

Ўзбек

أوزبكي

الإِسْلَامُ دِينُ رُسُلِ اللَّهِ



Масжидул Ҳаром ва Масжиди Набавийдаги
диний ишлар бошқармасининг илмий
Қўмитаси

الإِسْلَامُ دِينُ رُسُلِ اللَّهِ

Ислом – барча пайғамбарларнинг дини

اللَّجْنَةُ الْعِلْمِيَّةُ

بِرئاسةِ الشُّرُونِ الدِّيْنِيَّةِ بِالمَسْجِدِ الحَرَامِ وَالمَسْجِدِ النَّبَوِيِّ

Масжидул ҳаром ва Масжиди Набавийдаги
диний ишлар бўлими бошчилигидаги илмий
қўмита

بِسْمِ اللَّهِ الرَّحْمَنِ الرَّحِيمِ

Ислом – барча пайғамбарларнинг дини

Масжидул ҳаром ва Масжиди Набавийдаги диний ишлар бўлими бошчилигидаги илмий қўмита

Ислом – бу оламнинг яратувчиси ва бошқарувчиси бўлмиш Аллоҳ таолога итоат этиш, Унга муҳаббат ва улуғлаш билан бўйсунтиришдир. Исломнинг асоси — Аллоҳга бўлган иймондир. Яъни, фақат Аллоҳ яратувчи ва ундан бошқа барча нарса махлуқ эканига, ҳақиқий маънода фақат Унгагина ибодат қилиш лозимлигига ишонишдир. Ундан ўзга илоҳ йўқ. У Зот гўзал исмлар ва энг улуғ сифатларга эгадир. У мутлақ комил бўлган Зот бўлиб, Унда ҳеч қандай нуқсон йўқ. У на туғган ва на туғилган, Унга тенг ва ўхшаш ҳеч ким йўқ. У ўз махлуқотларидан ҳеч бирига сингиб қирмайди ва уларга ўхшаш жисмга айланмайди.

Ислом – Аллоҳ таолонинг ундан бошқа динни

қабул қилмайдиган динидир. Барча пайғамбарлар ушбу динни олиб келишган.

Ислом асосларидан бири — барча пайғамбарларга иймон келтириш. Аллоҳ Ўзининг буйруқларини бандаларига етказишлари учун пайғамбар юборди ва уларга китоблар нозил қилди. Уларнинг охиргиси Муҳаммад соллаллоху алайҳи ва саллам. Аллоҳ У зотни ўзидан олдинги пайғамбарларнинг шариатини насх қилувчи (хукмини йўқ қилувчи) илоҳий, охирги шариат билан юборди. Улуғ оят ва мўъжизалар билан қўллаб қувватлади. Уларнинг энг улуғи Аллоҳ таолонинг каломи бўлмиш Қуръони каримдир. Мазмуни, лафзи ва назми мўъжиза, башарият билган энг улуғ китоб. У дунё ва охирада саодатга етакловчи ҳаққа ҳидоятдир. Ҳозирги кунгача ўзи нозил қилинган араб тилида сақланиб келган. Ундаги бир ҳарф ҳам ўзгартирилмади.

Ислом асосларидан — фаришталар ва охираат кунига иймон келтириш ҳам эътиқоднинг асоси бўлиб, қиёмат куни Аллоҳ одамларни

қабрларидан тирилтиради ва уларнинг амаллари учун ҳисоб-китоб қилади. Кимки мўмин ҳолда солиҳ амаллар қилган бўлса, уни абадий неъматлар билан тўла жаннат кутмоқда. Кимки кофир бўлиб, ёмон ишлар қилган бўлса, унга улкан азоб билан тўла дўзах бор. Ислом асосларидан яна бири — тақдирга, Аллоҳнинг хоҳиши билан рўй берадиган ҳар қандай яхшилик ва ёмонликка ишонишдир.

Мусулмонлар Исо алайҳиссаломни Аллоҳнинг ўғли деб эмас, аксинча У Зотнинг қули ва расули деб эътиқод қиладилар. Чунки Аллоҳ улуғ Зот бўлиб, Унга на жуфт ва на фарзанд муносиб эмас. Аллоҳ Қуръонда бизга хабар берганки, Исо алайҳиссалом пайғамбар бўлган ва Аллоҳ унга кўплаб мўъжизаларни берган. Аллоҳ уни ўз қавмига фақат ягона Аллоҳга ибодат қилишга даъват қилиши учун юборган. Шунингдек, Аллоҳ бизга Исо алайҳиссалом одамларни ўзига эмас, балки ўз яратувчисига ибодат қилишга чақирганини билдирган.

Ислом фитратга ва соғлом ақлга мос

келадиган диндир. У соф табиатли инсонларнинг қалбига ёқади. Бу динни буюк яратувчи — Аллоҳ бандалари учун шариат қилиб жорий этган. У бутун инсоният учун хайр ва саодат динидир. Ислом ирқни ирқдан, рангни рангдан устун қўймайди — барча инсонлар унда тенг. Исломда инсон бошқалардан фақат қилган солиҳ амаллари билангина устун бўлиши мумкин.

Ҳар бир оқил инсон Аллоҳ таолони Рабб, Исломни дин, Муҳаммад соллаллоҳу алайҳи ва салламни пайғамбар деб тан олиши ва иймон келтириши шарт. Бу масалада инсон ихтиёрли эмас, чунки Қиёмат куни Аллоҳ инсондан пайғамбарларга қандай жавоб бергани ҳақида сўрайди. Агар у мўмин бўлган бўлса, у ҳолда буюк муваффақият ва нажотга эришади. Агар кофир бўлган бўлса, у ҳолда очиқ ва аниқ ҳалокатга учрайди.

Мусулмон — бу «Ашҳаду аллаа илааҳа иллаллоҳ ва ашҳаду анна Муҳаммадар-расулуллоҳ» деб , бу сўзларнинг маъносини

англаган ҳолда, уларга иймон келтирувчи шахсдир. У Ислоннинг қолган шариат ҳукмларини ҳам аста-секин ўрганиб, Аллоҳ фарз қилган амалларни бажаришга ҳаракат қилади.





رسالة الحرمين

Ҳарамайн рисоласи

Масжидул Ҳаром ва Масжидун Набавий зиёратчилари
учун турли тиллардаги йўриқномалар

